

॥ नमो तस्स भगवतो अरहतो सम्मासम्बुद्धस्स ॥

पज्जमधु

आनन्द रज्ज रतनादि महा यतिन्द,
निच्चप्पबुद्ध पदुमप्पिय सेविनङ्गी ।
बुद्धप्पियेन घन बुद्ध गुणप्पियेन,
थेरालिना रचित पज्जमधुं पिबन्तु ॥

१. उण्णापपुण्णससिमण्डलतो गलित्वा,
पादम्बुजङ्गुलि दलट्ट सुधा लवानं ।
पन्तीव सत्थु नखपन्ति पजाविसेसं,
पीणेतु सुद्ध सुखितम्मण तुन्दपीता ॥
२. खित्ताय माररिपुना परिवत्थ सत्थु,
पादस्सया जित दिसाय सितत्तलाय ।
या जेति कञ्चन सरावलिया सिरिं सा,
देतन्निनं रणजयङ्गुलिपन्तिकन्ता ॥
३. सोवण्ण वण्ण सुखुमच्छवि सोम्म कुम्म,
पिड्डीव पिड्ढि कमतुन्नति भाति येसं ।
तेसुप्पतिट्ठितसुकोमलदीघपण्हि,
पादा जिनस्स पददन्तु पदं जनस्स ॥
४. अच्छेर पङ्कजसिरं सिरिया सकाय,
ये मद्दिनो विय चरन्ति सरोज सीसे ।
सञ्चुम्बिता विय च तानि पराग रागा,
ते नीरजा मुनिपदा पददन्तु लक्खिं ॥
५. अगामि काल जन मङ्गल भत्तु भावं,
व्याकत्तुमत्र कुसलेनिव निम्मितानि ।
यात्रासुमट्टसतमङ्गलक्खणानि,
साधेतु नं पदयुगं जयमङ्गलानि ॥
६. सस्सेविजन्तुवरसन्तिपुरप्पवेसे,
निच्चं सुसज्ज ठपितानिव मङ्गलाय ।
ये ते दधन्ति कलमङ्गललक्खणानि,

वत्तन्तु ते जिनपदा जयमङ्गलाय ॥

७. सब्बेभिभूय सपदेसु निपातनस्स,
सज्जाणकं विय यदस्सितसब्बलोको ।
पादात्यधोकततिलोकसिरोवरा पि,
लोकं पुणन्तु जयमङ्गलकारणानि ॥
८. लोकत्तयेकसरणत्तविभावनाय,
सज्जो व तिट्ठति यहिं सुविभत्तलोको ।
तं सब्बलोकपटिबिम्बितदप्पणाभं,
पादद्वयं जनसुसज्जनहेतु होतु ॥
९. लोकुत्तराय सिरियाधिगमाय सुट्ठु,
रजन्ति यत्थ दिगुणानिव पातु भूता ।
चक्कासनाभिसहनेमिसहस्सरानि,
त्यङ्गी दिसन्तु सकलिस्सरियं जनस्स ॥
१०. यतुल्लसन्ति दुविधानिव पातू भूता,
धम्मस्ससब्बभुवनस्स च इस्सरत्ते ।
चक्कानि चक्कसदिसानि सुदस्सनस्स,
तानज्ज जन्तु सरणा चरणानि होन्तु ॥
११. सत्तेसु वच्छतु सिरी सिरिवच्छकेन,
सोवत्थि सोत्थिमनुत्तिट्ठतु पुग्गलेसु ।
नन्दिं जनानमनुवत्ततु नन्दिवत्ती,
सीसानलंकुरुतु पादवतंसको पि ॥
१२. भद्दाय पीठमुपगच्छतु भद्दपीठं,
वुद्धिं जनानमनुवत्ततु वद्धमानं ।
पुण्णत्तमङ्गिमनुकुब्बतु पुण्णकुम्भो,
पाति च पातु सततं जनतं अपाया ॥
१३. सेतातपत्तमपनेतमघातपे तं,
खग्गो विछिन्दतु सदा दुरितारिवग्गे ।
संक्लेसदाहमपनेतु सतालवन्ट,
संवीजनी कुमतिमक्खिकमोरहत्थो ॥

१४. आकङ्क्षो जनविलोचनमत्तनिन्नं,
 वारेतु सव्वगतिवारनमङ्कुसो सो ।
 पादम्बुजस्सिरिविलासनिकेतनं व,
 पासादलखणमुपेतु मनोपसादं ॥
१५. पाणीनमत्तभजतं वरपुण्णपत्तं,
 सम्मा ददातु पदनिस्सितपुण्णपत्तो ।
 पादेसु जन्तु मनबन्धनदामभूतं,
 दामं दमेतु विमलं जनतम्मनानि ॥
१६. उण्हीसकुप्पलमणीपदुमेहि पादा,
 सस्सेविजन्तुकरणानि विभूसयन्तु ।
 सन्नेत्तनावुपगतानमनग्घकानि,
 बोज्झङ्गसत्तरतनानि ददे समुद्दो ॥
१७. उत्तुङ्ग निच्चलगुडा जितताय निच्चं,
 सेवीव पादसिरि निच्च समुब्बहं व ।
 अत्रापि सक्कभवनुब्बहणे नियुत्तो,
 पाददुमेरु भवतं भवतं विभूत्या ॥
१८. सो चक्कवाळसिखरी प्यवतं समन्ता,
 सव्वूपसग्गविसराजनतं समग्गं ।
 दीपा पुथूपि चतुरो द्विसहस्स खुद्दा,
 धारेन्त्वपायपतमानमदत्त्व जन्तुं ॥
१९. सूरु पबोधयतु जन्तु सरोरुहानि,
 चन्दो पसाद कुमुदानि मनोदहेसु ।
 नक्खत्तजातमखिलं सुभताय होतु,
 चक्कं धजं रिपुजयाय जयद्धजाय ॥
२०. जेतुं ससंसद-सुदस्सन-चक्कवत्ति,
 चक्कानुगन्तललितं यहिमावहेय्य ।
 चक्काणुवत्ति परिसावत-चक्कवत्ति,
 नंवत्ततं पदयुगं जनता हिताय ॥
२१. पुजेतुमागत वता वजिरासनद्व,
 मिन्देन छड्ढित महाविजयुत्तराख्यं ।

संखं पविट्टमिव मारभया पदाधो,
पादट्टसंखमिह वत्ततु सन्तिया वो ॥

२२. सोवण्णमच्छयुगलं सिवभत्त भोगे,
इच्छा बहूपकरणं भवतं जनानं ।
कुम्भीलधिगगहिततो व पदुत्थचित्ता,
पादम्बुजाकर विगाहि तु नोपहोन्तु ॥

२३. सत्तापगा जनमनोज मले जहन्तु,
संक्लेसदाहमपनेन्तु दहा च सत्त ।
सेला च सत्त विदधन्तु जनस्स तानं,
लोकप्पसिद्धिजनने भवतं पताका ॥

२४. पाटङ्कि सन्ति गमने भवतूपकारा,
दाहेत्तनेसु जहतं पदचामरं तं ।
सल्लोकलोचनमहुस्सव-उस्सितं व,
वत्तेय्य तोरणमनुत्तरमङ्गलाय ॥

२५. यस्मिं भिगिन्द गत भीति बलाव दट्ट,
दाना नता सिरविदारण पीळिताव ।
नालागिरी करिवरो गिरिमेखलो च,
तं सीहविक्कमपदं हनता घदन्ति ॥

२६. पापाहिनो हनतु पादसुवण्णराजा,
व्यग्धाधिपो कलिजने अदतं असेसं ।
वालाह-अस्सपति सम्पतितुं अदत्त्वा,
पायेसु पापयतु सन्तिपुरम्पजायो ॥

२७. छद्वन्त दन्ति ललितं गलितं रुसम्हा,
लुद्वेत्त दुब्भिनि दिसे अचलं दधानो ।
पादट्टहत्थिपति सम्पति जन्तुतासे,
तासेतु हासमपरन्दिसतं सतानं ॥

२८. सब्बङ्गिनो चरणुपोसथ हत्थिराजा,
पापेतु सब्बचतुदीपिकरज्जलक्खिं ।
कित्तीव पादपरिचारिकता नियुत्ता,
केलससेलपटिमा हितमाचरेय्य ॥

२९. सामिस्स हंससमये दहपासबद्ध,
मासीन वेसगमको विय पादहंसो ।
निग्घोस गन्तिजिततो विय मूगपक्खो,
यारेतु सब्ब जनता भवगन्तुकत्तं ॥
३०. ओहाय दिब्बसरसिं खिललोक सब्ब,
रम्मङ्घिवापिमवगाहितवाव पादे ।
एरावणो करिवरो मनसाभिरुळ्हे,
जन्तुं पुरिन्ददपुरं नयतं व सीघं ॥
३१. हित्वा सकम्भवनमङ्घिनिसेवनत्थ,
मागम्म रम्म तरतायिह निस्सितो व ।
पालेत्त्व मूनि पदवापितरङ्गभङ्गि,
मन्गी करोन्ततनुवासुकि नागराजा ॥
३२. नाथस्स कञ्चनसिखावलजातिलील,
माविकरं व पदनिस्सितमोरराजा ।
तं धम्मदेसनरवेनिव लुद्धकस्स,
लोकस्स पापफणिनो हनतं असेसं ॥
३३. संसारसागरगते सधने जने ते,
नेतम्पदे कलचतुम्मुखहेमनावा ।
निब्बाणपट्टनवरं भरुकच्छकन्तं,
सुप्पारपण्डित गता विय आसुनावा ॥
३४. सम्बोधि जाण परिपाचयतो मुनिस्स,
भत्तो यथा हिमवतद्दि समाधिहेतु ।
एवम्मनेन भजतं हिमवद्विपादे,
सम्बोधिजाण परिपाचनहेतु होतु ॥
३५. दळ्हं पराजिततया मुनिना सरेन,
सुज्जस्सरोपगत पज्जर बन्धनोव ।
सो पादपज्जरगतो करवीकपक्खी,
सब्बेसमप्पीयावचज्जहता भवन्तं ॥
३६. ते चक्कवाक मकरा अपि कोज्ज जीवं,
जीवादि पक्खिविसरा सरसीव भुत्तं ।

वेस्सन्तरेन चरणम्बुजि निब्भजन्ता,
जन्तु तहिं विय पदे सुरमेन्तु निच्चं ॥

३७. तं चन्दकिन्नरगतिं व गतस्स बोधि,
सत्तस्स तस्स सपजापतिकस्स भावं ।
संसूचयन्त पद किन्नर किन्नरी वे,
सामग्गिमग्ग पटि पत्तिसु पापयन्तु ॥

३८. संराजधानिमुसभो वहतग्ग भारं,
पीतिप्पयो पजनयेय्य सवच्छधेनु ।
सस्सेविनो अभिरमेन्तु छकामसग्गा,
धारेन्तु झायिमिह सोळस धातुधामा ॥

३९. सुत्वा जिनस्स करवीक सरम्मनुज्जं,
अज्जोज्ज भीतिरहिता अपि पच्चनीका ।
हित्वा गतिं विय ठिता पदसत्तरूपा,
सब्बं भवस्सित जनानगतिं हनन्तु ॥

४०. सोवण्ण काहळ युगो पममिन्दिराय,
सन्नीरपुप्फ मुकुलोपममुस्सवाय ।
निच्चं सुसज्ज ठपितं मुनि तिट्ठतन्ते,
जङ्घाद्वयं जनविलोचन मङ्गलाय ॥

४१. लख्या विलास मुकुरद्वय सन्निकासं,
ताडङ्क मण्डन विडम्बकमंसु सण्डं ।
जानुद्वयं लळित सागर बुब्बलाभं,
होतं जगत्तय निजत्त विभूसितुन्ते ॥

४२. छद्दन्ति दिन्न वरदन्त युगोपमाना,
तं हत्थि सोण्ड कम पुण्ण गुणा तवोरू ।
लील पयोधि सिरि केळि सुवण्णरम्भा,
खन्धाव देन्तु परिपुण्ण गुणे जनानां ॥

४३. जङ्घक्ख कद्व्य समप्पित चित्तपाद,
चक्कद्वयी मनमनोजहयो मुने ते ।
सोनी रथो सिरिवहो मनसा भिरुळ्हं,
लोकत्तयं सिवपुरं लहु पापयातु ॥

४४. रम्भोर पाकट तटाक तटा सवन्त,
रोमावली जल पनालिक कोटिकट्टा ।
नाभी गभीर सरसी सिरि केळिता ते,
सस्सेविनं व्यसन घम्ममलं समेतु ॥
४५. कन्तिच्छटा लुळित रूप पयोधि नाभि,
आवट्ट वट्टित निमुज्जित सब्बलोको ।
सोभग्ग तोय निवहं विससो पिवित्वा,
लोकुत्तरादि सुख मुच्छिततं पयातु ॥
४६. गम्भीर चित्तरहदं परिपूरयित्वा,
तं सन्दमान करुणम्बु पवाह तुल्या ।
रोमालिवल्लिहरि नाभि सुभालवाला,
देतं लहुं सिवफलं भजतं मुने ते ॥
४७. चारूर सारिफलको कुटिलग्ग लोम,
पन्ती विभत्ति सहितो सिरि केळि सज्जो ।
सग्गापवग्ग सुख जूतक केळि हेतु,
होतं तिलोक सुख जूतक सोण्डकानं ॥
४८. गम्भीर चित्त रहदो दर गाहमान,
मेत्तादया करि वधू कर सन्नि कासा ।
सब्बङ्गिनं सिवफलं तनु देव रुक्खे,
साखा सखा तव भुजा भजतं ददन्तु ॥
४९. निहार बिन्दु सहितग्गदलोप सोभि,
ब्यालम्ब रत्त पदुमद्वय भङ्गि भाजा ।
पापारिसीसलुनतेनिव रत्त रत्ता,
रत्ता करा तव भवुम्भुवि मङ्गलाय ॥
५०. रुपस्सिसरी चरित चङ्कम विब्भमा ते,
पिट्ठी यथा कलल मुद्धनि सेतु भूता ।
एवं भवण्णव समुत्तरणाय सेतु,
होतम्महाकनक संकम सन्निकासा ॥
५१. सद्धम्म देसन मनोहर भेरिनाद,
संचारणे सिवपुरं विसितुं जनानं ।

गीवा सुवण्णमय चारु मुतिङ्ग भेरि,
भावम्भजा भवतु भूत विभूतिया ते ॥

५२. लखी निवास वदनम्बुज मत्त निन्न,
माकड्डयं जन विलोचन चञ्चरीके ।
सोरब्भ धम्म मकरन्द निसन्दमानं,
पिणेतु तेन सरसेन सभा जने ते ॥
५३. लखी समारुहित वत्तरथे रथङ्ग,
द्वन्दानु कारि मिग राज कपोल लीलं ।
तादङ्ग मण्डलयुगं विय कण्णभाजं,
गण्डत्थलद्व्यमलंकुरुतं जनत्ते ॥
५४. लावण्ण मण्णव पवाळ लता द्वयाभं,
तन्देह देव तरु पल्लव कन्ते मन्तं ।
वत्तारविन्द मकरन्द पराजिसोभं,
रत्ताधरद्वयमधो कुरुतं जनाघं ॥
५५. उण्णा सकुन्तिगत मत्थक नत्थु कूप,
सुब्भू लकार सहितोड्ड पवाळ नावा ।
गतुत्तररणव गता तव जन्तुकानं,
होतं भवण्णव समुत्तरनय नाथ ॥
५६. इसं विकास पदुमोदर केसरालि,
लीला विनद्ध रुचिरा तव दन्त पन्ति ।
वानी वधू धरित मालति माल्य तुल्या,
तस्सं जानस्स मनरञ्जन माचरेय्य ॥
५७. सद्धम्म निज्झर सुरत्त सिलातलाभा,
जिक्का वची नट वधू कल रङ्ग भूता ।
सद्धम्म सेट्ट तरणी निहितप्पिया ते,
संसार सागर समुत्तरणाय होतु ॥
५८. दन्तंसु कञ्चुकीत रत्तधरो पधाने,
जिक्का सुरत्त सयने मुख मन्दिरट्टे ।
आमोक्ख मुत्ति वधुया सयिताय तुय्हं,
कुब्बन्तु संगम मलं जन सोतु कामि ॥

५९. उण्णा तथाभिनव पत्त वराभि रामा,
लीलोल्लसन्त भमुकद्वय नील पत्ता ।
घानोरु चारु कदली वदना लवाला,
तुहं पवत्ततु चिरं जन मङ्गलाय ॥
६०. बालत्थली हरि सिलातल पिट्टिकट्ट,
भूवल्लरिद्वय मयूर युगस्स तुहं ।
पञ्चप्पभा रुचिर पिच्छ युगस्सिरीकं,
नेत्तद्वयं मनसि पुञ्छतु पापधूलिं ॥
६१. इन्दीवरान्तगत भिङ्गिक पन्ति भङ्गि,
पजम्बुजस्सरतते विय गच्छपन्ती ।
नेत्तम्बुजस्सरि तिरोकरणीव तुहं,
पम्हावली सिरिगतेह तिरो करोन्तु ॥
६२. वत्तुल्लसम्बुज विलोचन हंस तुण्ड,
कज्जंसु पिज्जर मुलाल लता द्वाभं ।
दोलाद्वयं सवणद्व्यमत्त लक्ख्या,
होतं तवज्ज जनता मतिचारहेतु ॥
६३. वम्मीक मत्थक सयानक भूरिदत्त,
भोगिन्द भोगवल्लि विब्भममा वहन्ति ।
घानोपरिट्टितमुने तव तुण्णमुण्णा,
तग्गाहिनो विय जनस्स ददातु वित्तं ॥
६४. रूपिन्दिराय विजये खिल लोक रूपं,
घाणोरु चारु परिघोपरि बद्ध सिद्धा ।
नीलाभ वात विलुथन्त वयद्वजाभा,
तिट्ठन्तु सज्ज दुरितारि जयाय ते भू ॥
६५. उण्णस्सितोपल निवेसित बुन्द सन्धि,
घाणोरु पिण्डकमघा तप रुन्धितुन्ते ।
होतम्मुखम्बुज सिरि सिरसुस्सिताभं,
भू नील पट्टिक ललात सुवण्ण छत्तं ॥
६६. रुपङ्क वेदन विलोचन बान दिट्ठी,
धारा निसान मणिवट्ट सिरि सिरो ते ।

सिद्धा मतोसध कतञ्जन पुञ्ज लक्खी,
होतं जनस्स नयनामय नासनाय ॥

६७. सक्खन्ध बाहुयुग तोरन मज्झ गीवा,
धरप्पितस्सरिघतो परि मुस्सवाय ।
नीलुप्पलाव ठपिता सविभत्ति कन्ते,
केसा भवन्तु भुवनत्तय मङ्गलाय ॥
६८. हेमग्घिये ठपित नील सिला कपाले,
पज्जोत जाल ललितं मुनि सारयन्ती ।
रूपस्सिरी सिरसि भूसित हेम माला,
कारा करोतु सुभगं तव केतु माला ॥
६९. भ्यामप्पभालि तव कञ्चन मोर काले,
सुरोदये वितत चन्दक चक्कलक्खी ।
मेघावनद्ध सिखरुन्नत हेम सेला,
यन्तिन्दचाप विकतीव ददातु सोभं ॥
७०. पट्टाय ते पणिधितो सुचि दान सील,
नेक्खम्म पञ्ज विरियक्खम सच्चधिट्ठा ।
मेत्ता उपेक्खति इमे दस पूरतोव,
पूरेन्तु पारमि गुणा जनतानमत्ते ॥
७१. पत्तुत्तरुत्तरदसा पणिधान बीजा,
चेतोरधराय करुणा जल सेख वुद्धा ।
सब्बञ्जु आण फलदा सति वाट गुत्ता,
तं सम्फलन्दिसतु पारमिता लता ते ॥
७२. आबोधि पुण्णमि पदिट्ठ दिनादितो ते,
सम्भार काल सित पक्ख कमाभि वुद्धो ।
सम्पुण्ण पारमि गुणामतरंसि तंव,
सब्बङ्गि कुन्द कुमुदानि पबोधयेय्य ॥
७३. आपच्छिमब्भव सिवप्फल लाभ दाना,
दानप्पबन्धमपिदान फलप्पभन्दं ।
संवड्ढियि त्वं अभिपत्थनतो यथेवं,
जन्तुत्तरुत्तर फलं खलु सम्भुनन्तु ॥

७४. आरम्भतोप्पभुति याव तवग्गमग्गा,
 विक्खालित घकलुसं सुचि सील तोयं ।
 मेत्ता दया मधुर सीतलतायुपेतं,
 सोधेतु त्वं भव निस्सित जन्तु मेतं ॥
७५. आपच्चिमत्तमभिनिक्खमनाभियोगा,
 पट्ठाय तम्पभवतो परिपुण्ण गेहा ।
 त्वं सब्ब जाति गहतो अपि निक्खमित्थो,
 एवं जना भव दुखा खलु निक्खमन्तु ॥
७६. एकग्गतो पल तले निसिता चिरन्धि,
 धारा सुचित्तु सुतले सति दण्ड बद्धे ।
 निब्बिज्झि लक्खण धनुद्विति सन्ति लक्खं,
 खित्ता तयोममनु विज्झतु जन्तु खित्ता ॥
७७. त्वं पारमी जल निधिं चतुरिह बाहु,
 सत्तीहि सुत्तरि चिरं जनकोव सिन्धुं ।
 सम्पन्न विक्कम फलोसि यथा चसोव,
 एवं जना विरियतप्फलमे धयन्तु ॥
७८. सत्त परध दहनेसु चिरं सुधन्तं,
 खन्ती सुवण्ण कत रूप समन्तिमत्ता ।
 सब्बा पराधमसहि त्वं असय्हमेवं,
 सब्बे जनापि खमनेन भजन्तु सन्ति ॥
७९. लक्खाधिकं चतुर संखिय कप्प कालं,
 सच्चेन सुट्ठु परिभावित वाचिनो ते ।
 वाचाय सच्च फुसिताय समेन्ति जन्तु,
 एवं विसुद्ध वचना जनता भवन्तु ॥
- ८०.
- आदिन्न धम्म महियत्थिर सुप्पतिट्ठा,
 धिट्ठान पारमि महा वजिरद्धि तुहं ।
 सत्तेन केन पि यथाहि अभेज्ज नेज्जो,
 एवं जनापि कुसलेसु अधिट्ठ हन्तु ॥

८१. त्वं सब्ब सत्त चिरभावित मेत्त चित्त,
तोयेहि संसमित कोध महा हुतासो ।
लोकुत्तरं तदितरं हितमावहित्थो,
एवं जनेसु जनता हितमावहन्तू ॥
८२. मित्तोपकार पटिपक्ख जनापकारे,
त्वं निब्बिकार मनसो चिरभावनाय ।
पत्तोसिलाभ पभुतट्टुसु निब्बिकारं,
एवं जनानुनय कोप नुदा भवन्तु ॥
८३. सम्पन्न हेतु विभवो तुसिते विमानं,
युत्तं गुणेहि नवभिप्पदवी विमानं ।
त्वं वाधिपरमिधिरोहिनिया तिलोको,
आरोहतु भय सुखं पदवी विमानं ॥
८४. त्वंवेरहंसि समबुद्धि यथाच सम्मा,
सम्पन्न विज्ज चरणो सुगतोसि होन्तु ।
लोकं विदो पुरिसदम्मसुसारथी सि,
सत्थासि बुद्धि भगवा सि तथेव जन्तु ॥
८५. सच्चित्त भू निदहितं जनताय तुहं,
कल्याणवण्णरतनण्णवजातिभिन्नं ।
दुक्खग्गि चोर जलुपट्टुतजाति गोहे,
तस्सा सुखं भवतु जीवितुमापदाय ॥
८६. वाचा विचित्त वर तन्तु गतङ्गि कण्ठे,
स्वा मुत्त सग्गुण महा रतना वली ते ।
वेवण्णि यत्तनि भवं सकलम्पहाय,
होतञ्जनस्स सिरि सङ्गम मङ्गलाय ॥
८७. तं सग्गुणत्थव दहट्ट सुतिप्पनालि,
निस्सन्दमान गुणनीर निपान तित्ते ।
खेत्तेत्त सज्जिनि जना कत लोम हंस,
बीजन्कुरी कुसल सस्स फलं लभन्तु ॥
८८. आपायिकप्पभुति दुक्ख निदाघ काल,
सन्तापिता निखिल लोक मनो कदम्बा ।

तं वङ्ण मेघ फुसना हसनङ्कुरेहि,
इद्धा भवन्तु मति वल्लरि वेल्लीता ते ॥

८९. हेतुद्वसा फलदसा समवड्डितं तं,
सब्बत्थ सत्त हितमावहणेन सिद्धं ।
चिन्तापथातिगनुभाव विभावनन्ते,
भूतानमत्थु चरितम्भुतमत्थ सिध्धा ॥
९०. अङ्गारकासुमभिलङ्घिय दान काले,
भत्तत्तनो पद पटिच्छक पङ्कजा च ।
यातक्खणे तव पदे धट्मुट्ठहित्वा,
पङ्केरुहां सिव मधुं सरतं ददन्तु ॥
९१. सच्चवेन मच्छ पति वस्सित वस्सधारा,
सत्ते दयाय तव वस्सित वस्सधारा ।
गिम्हे जनस्स समयिंसु यथा तथाता,
धम्मबुवुड्डिव समेन्तु किलेस दाहे ॥
९२. छद्दन्त नाग पतिना खमता पराधं,
छेत्वा करे ठपित दन्तवराव लुद्धं ।
लोके हिताय ठपिता तव दन्त धातु,
सेट्ठा जनं सिव पुरं लहु पापयन्तु ॥
९३. तं तेमियाख्य यतिनोस्सम मालकम्हि,
ओकिण्ण मुत्त कनका वुज विप्पकिण्णा ।
कारुज्ज वारिद चुतो दक बिन्दु बन्धू,
धातु समेन्तु तव जन्तुसु दुक्खदाहे ॥
९४. रट्ठस्स अत्थ चरणाय असम्मुखस्स,
रामेन दिन्न तिण संखत पादुकाव ।
भुत्ता तया चिरमसम्मुख नागतस्स,
लोकस्स अत्थमनु तिट्ठतु पत्त धातु ॥
९५. वुत्तो जनानमुपदिस्स वराह रज्जा,
सत्थिं सहस्स सरदं विय जाय धम्मो ।
आदेय्य हेय्यमुपदिस्स तया पवुत्तो,
धम्मो पवत्ततु चिरं जनता हिताय ॥

९६. मारारि मदन हिताधिगमं करोता,
भक्तो तया वर महा जय बोधि राजा ।
सग्गा पववग्ग हितहेतु जनस्स हन्त्वा,
सब्बन्तरायमिह तिठ्ठतु सुट्ठु सज्जो ॥
९७. सामोद वण्ण भजनी गुण मज्जरीयं,
चरिया लता विकसिता तव सप्फलङ्गं ।
ओकिण्ण चित्त मधुपे रस पीणयन्ति,
सम्भाविता भुवि पवत्ततु मत्थकेहि ॥
९८. सम्बुद्ध सेलवल्लयन्तर जाननक्का,
नोत्तत्ततो तिपथगा यति सागरट्ठा ।
धम्मा पगा सुति वसे तरिते पुणन्ति,
सम्भार सस्समिह वत्ततु पचयन्ति ॥
९९. पज्जाण कूप सित पग्गह वायु गाही,
सद्धा लकार सहिता सति पोत वाहा ।
सम्पापयातु भव सागर पार तीर,
सप्पत्तनं वरधने पति पत्ति नावा ॥
१००. बोज्झङ्ग सत्त रतनाकर धम्म खन्ध,
गम्भीर नीर चय सासन सागरो सं ।
सो सील्यनन्त तनु वेट्ठि आण मन्थ,
सेलेन मन्थितवतं दिसता मतं वे ॥
१०१. वुत्तेन तेन विधिना विधिना ततो तं,
लद्धा नुभूतममतं खिल दोस नासं ।
अच्चन्त रोग जरता मरणा भि भूतं,
भूतं करोतु अमरं अजरं अरोगं ॥
१०२. सद्धम्म राज रविनिग्गत धम्मरंसि,
फुल्लो धुतङ्गदल संवर केसरालि ।
सङ्घारविन्द निकरो समधुं समाधि,
सक्किण्णिको दिसतु सासन वापि जतो ॥
१०३. आनन्द रज्ज रतनादि महा यतिन्द,
निच्चप्पबुद्ध पदुमप्पिय सेविनङ्गी ।

बुद्धप्पियेन घन बुद्ध गुणप्पियेन,
थेरालिना रचित पज्जमधुं पिबन्तु ॥

१०४ इत्थं रूप गुणानुकित्तनवसा तं तं हिता सिं सतो,
वत्थानुस्सति वत्तित इह यथा सत्तेसु मेत्ता च मे ।
एवं ताभि भवन्त रुत्तर तरा वत्तन्तु ता बोधि मे,
संयोगोच धनेहि सन्तिहि भवे कल्याण मित्तेहि च ॥